

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 477020 25 St
Tuzla, 04.06.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, nakon provedenog stečajnog postupka, donio je dana 04.06.2025. godine sljedeće:

RJEŠENJE

OTVARA SE stečajni postupak nad imovinom dužnika „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, matični broj subjekta 32-01-0709-19, JIB:4210387500005, račun broj: 5555000046139855 otvoren kod Nova banka a.d. Banja Luka.

Za stečajnog upravnika imenuje se Senad Uzunić iz Tuzle.

ZAKLJUČUJE SE stečajni postupak nad imovinom dužnika „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 477020 25 St od 31.01.2025 godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, a za privremenog stečajnog upravnika imenovan je Senad Uzunić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 26.02.2025. godine. Iz izvještaja privremenog stečajnog upravnika i navoda datih na ročištu i ostalih navoda i dokumentacije u spisu proizilazi da je račun društva blokiran dana 12.09.2024. godine po osnovu rješenja o izvršenju ovog suda broj: 32 0 Mals 417552 24 Ip od 05.09.2024. godine u korist društva Vamal Grupa d.o.o. Laktaši. Privremeni stečajni upravnik navodi da je na osnovu raspoložive dokumentacije utvrđena neizmirena obaveza prema navedenom društvu po osnovu presude zbog propuštanja, a da nije bilo moguće utvrditi obaveze prema drugim licima, te da bi navedeno jedino bilo moguće na osnovu prijave potraživanja u slučaju otvaranja stečajnog postupka. Društvo nema neizmirenih obaveza prema PU F BiH i UIO BH, niti ima prijavljenih uposlenika kod PU F BiH. Društvo u svom vlasništvu nema nepokretnosti, nema pokretnih stvari niti bilo koje druge imovine čijim unovčenjem bi se mogli finansirati troškovi stečaja i potraživanja povjerilaca.

Dakle, sud nalazi da je podnosilac prijedloga za otvaranje stečajnog postupka podnio prijedlog u roku od 60 dana od dana nastupanja platežne nesposobnosti (prijedlog podnesen 06.01.2025. godine,

a račun blokirao 12.09.2024. godine), da postoji stečajni razlog za otvaranje stečajnog postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 20.03.2025. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 5.000,00 KM na ime otvaranja stečajnog postupka, iz kojeg predumjerenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 24/25 dana 02.04.2025. godine, oglasnoj tabli suda dana 21.03.2025. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu preduma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.